



SUFFOLK COUNTY DISTRICT ATTORNEY'S OFFICE DISTRICT ATTORNEY RACHAEL ROLLINS

17 de Março di 2020

Caros Pais e Encarregados di Educaçon

N'ta spera qui stá tudo dereto cu nhôs e nhôs família, e qui nhôs tem estado seguro duranti ês altura fora di comun. Modi qui nhôs sabe, fecho di escolas por motivo di COVID-19 bim cria tcheu desafios. Ami como mãe e encarregada di três crianças na idade escolar, n'tem estado também preocupada cu manera qui nô na manti ês crianças saudáveis, seguros, e productivo(s) durante um longo período di tempo qui ês na fica fora di escola. N'sta screbi hoji pa encouraja nhôs pa nhôs tem um conversa sobri assunto di segurança na internet cu qualquer criança qui sta na nhôs responsabilidadi.

É muito provável qui na período di próximos semanas, estudantis na começa passa muito más tempo na usa internet. Entri fazi trabadjo di escola cu usa médias sociais e jogos di internet, nô sta conta qui ê ta bin tem um aumento considerável di uso di differenti(s) tipo(s) di aparelhos electrónicos. Nha escritório crê encouraja nhôs pa nhôs estabeleci limiti di tempo qui nhôs fidjo(s) na podi usa ês diferentis tipos di aparelhos electrónicos e pa nhôs conversas más tcheu cu eles à respeito di diferentis tipos di ferramentas qui ês precisa del pa ês podi tem um um experiência positivo hora qui ês na usa internet.

Nô programa, PARA BLOQUIA CONVERSA, tem formas simples e fáceis di lembra, qui ta djuda estudantis aprendi navega riscos qui ta existi na ês diferentis plataformas di internet. E existe orientaçon e recursos sobri materiais incluído cu ês carta. Nô ta encoraja fortimenti pa nhôs fazi um revision di ês informaçon pa podi djuda nhôs fica mais inteirado sobri assunto e em seguida pa nhôs conversa e compartilha ês informaçon cu nhôs fidjo(s). Para além di ês recursos e advertências, **commonsensemedia.org** é um website excelenti qui ta ofereci escolhas apropriados pa nhôs família di acordo cu idadi específico. Tudo ês ferramentas podi reduzi riscos, mas por favor nhôs informa nhôs fidjo(s) qui si algum cusa aconteci qui sta cria confuson pa sês entendimento, qui fazi ês chinti inconfortável, ês pudi bim conversa cu nhôs na um espaço seguro, livre di qualquer tipo di crítica. Nhôs fla elis ma nhôs ama elis, independentementi di qualquer tipo di situaçon, e mesmo qui ês sta chinti culpado pa algum cusa.

Na nha escritório, nô costuma odja casos qui ta involvi tcheu crimes qui ta praticado na internet qui tem forma di ser prevenido ou parado cu antecedência. Maior parti di crianças envolvido nunca ca conta nem um algém a respeito di algum cusa qui aconteci pa modi ês teve medo di ser castigado, perdi oportinadadi di continua usa sês aparelho electrónico, ser culpado pa cusa qui aconteci, e más otrus. Por favor nhôs conversa cu nhôs fidjo e nhôs poe elis pa chinti à vontade di ês bim conversa cu nhôs e nhôs fazi elis chinti seguro qui nhôs sta sempre disposto pa djuda elis atravessa qualquer situaçon difícil, quer seja na internet ou na sês vida. N'sta agradei pa tempo qui nhôs dispensa pa escuta e pa conversa sobri ês assunto cu nhôs fidjo(s). Por favor nhôs fica seguro e saudável. E se possível, nhôs usa ês tempo pa têm um relacionamento significativo qui ta mostra amor pa nhôs fidjos, família e pessoas cu nhôs tem amor pa el.

Em solidariedadi,

Rachael Rollins

Procuradora Distrital di Município di Suffolk